

## 色水覘相揣

五花十色的世界

色水上搞怪 愛耍覘相揣

我來覘 你來揣

紺色阿姐的好朋友，是無邊無際的大海，

是闊莽莽的天頂，嘛是細粒子的藍星花；

黃色阿媽的好朋友，是酸甜仔酸甜的柳丁，

是繼喙厚汁的柑仔，嘛是滑溜軟靛的生卵仁；

白色小弟的好朋友，是軟靛靛的棉仔糖，

是大隻勇壯的北極熊，嘛是用來寫字的簿仔紙；

紅色阿母的好朋友，是芳氣挺人的草莓，

是熱情若火的火鶴紅，嘛是活潑古錐的紅球魚；

青色阿兄的好朋友，是好食鮮沢的菜蔬，

是食著脆脆的青蘋果，嘛是營養滿分的猴頭果；

烏色阿爸的好朋友，是烏黝黝的頭毛，  
是寫毛筆字的烏墨水，嘛是明亮動人的目睷；

茄仔色阿公的好朋友，是圓輾輾古錐的葡萄，  
是瘦瘦長長的茄仔，嘛是濟濟營養的紅鳳菜。

彩色的世界 美麗的景緻

色水妝奩咱的生活 用心斟酌揣

色水就覘佇咱的生活內